

宋  
名  
家  
詞

聖求詞序

世謂少游詩似曲子瞻曲似詩其然乎至荆公  
桂枝香詞子瞻稱之此老真野狐精也詩詞各  
一家惟荆公備衆作艷體雖樂府柔麗之語亦  
必工緻真一代奇材後數十年當宣和末有呂  
聖求者以詩名諷詠中率寓愛君憂國意不但  
弄筆墨清新俊逸而已其憂國詩云憂國憂身  
到白頭此生風雨一沙鷗又云尚喜山河歸帝  
聖求詞序

子可憐麋鹿入王宮痛傷詩云塵斷征車口雲  
低虜帳深古今那有此天地亦何心釋憤詩云  
未湔嵇紹血誰發諫臣章赤心皆口詩史氣象  
縉紳巨賢多錄藁家藏但不窺全秩未能爲刊  
行也一日復得聖求詞集一編婉媚深窈視美  
成耆卿伯仲耳余因念聖求詩詞俱可以傳後  
惜不見他所著述以是知世間奇才未乏也士  
友輩將刻聖求詞求序於余故余得言其大槩

聖求居嘉興名濱老嘗位周行歸老於家云  
嘉定壬申中秋朝奉大夫成都路轉運判官趙  
師序序

聖求詞

目錄

薄倖 一調

望海潮 一調

選冠子 二調

念奴嬌 一調

情久長 二調

滿江紅 四調

醉蓬萊 一調

齊天樂 一調

沁園春 一調

滿路花 一調

慕山溪 二調

千秋歲 一調

早梅芳近 一調

醉落魄 二調

惜分飛 一調

浣溪沙 三調

漁家傲 六調

思佳客 一調

好事近 五調

天仙子 一調

燕歸梁 一調

小重山 一調

清平樂 一調

握金釵 二調

南歌子 一調

蝶戀花 二調

品令 一調

祝英臺 一調

水調歌頭 八調

江城子 二調

水龍吟 一調

減字木蘭花 二調

江城子慢 一調

如夢令 一調

極相思 一調

賀新郎 一調

浪淘沙 一調

思佳客 一調

二郎神 一調

百宜嬌 一調

醉思僊 一調

眼兒媚 二調

夢玉人引 一調

傾盃令 二調

生查子

三調

撲蝴蝶近

二調

一落索

三調

謁金門

一調

鼓笛慢

一調

西江月慢

一調

思佳客

二調

夜遊宮

一調

浣溪沙

一調

南歌子

一調

如夢令

一調

浣溪沙

一調

浪淘沙

一調

醉桃源

一調

思佳客

一調

小重山

一調



柳梢青

一調

卜算子

四調

如夢令

一調

木蘭花

三調

戀香衾

一調

豆葉黃

五調

千秋歲

一調

好事近

一調

南鄉子

二調

浪淘沙

一調

卜算子

一調

小重山

一調

惜分釵

二調

如夢令

一調

水龍吟

一調

鵲橋仙

一調

點絳脣

二調

水調歌頭

一調

好事近

二調

青玉案

一調

聖求詞目錄

終

聖求詞

宋 呂濱老

薄倖

青樓春晚晝寂寂梳勻又懶乍聽得鴉啼鶯弄  
惹起新愁無限記年時偷擲春心花間隔霧遙  
相見便角枕題詩寶釵貰酒共醉青苔深院  
怎忘得迴廊下攜手處花明月滿如今但暮雨  
蜂愁蝶恨小窗閒對芭蕉展却誰拘管儘無言

閒品繁箏淚滿參差雁腰支漸小心與楊花共  
遠

望海潮

側寒斜雨微燈薄霧忽忽過了元宵簾影護風  
盆池見日青青柳葉柔條碧草皺裙腰正晝長  
烟煖蜂困鶯嬌望處淒迷半篙綠水浸斜橋  
孫郎病酒無聊記烏絲醉語碧玉風標新燕又  
雙蘭心漸吐嘉期趁取花朝心事轉迢迢但夢

隨人遠心與山遙悞了芳音小窗斜日對芭蕉  
側寒坊本作惻寒非詳見跋中○半篙綠水浸斜橋一本作半篙綠水斜橋按譜應作七字句

### 選冠子

雨濕花房風斜燕子池閣畫長春晚檀盤戰象  
寶局鋪碁籌畫未分還嬾誰念少年齒怯梅酸  
病疎霞盞正青錢遮路綠絲明水倦尋歌扇

空記得小閣題名紅牋青製燈火夜深裁剪明  
眸似水妙語如弦不覺曉霜雞喚聞道近來箏

譜慵看金鋪長掩瘦一枝梅影回首江南路遠

又

風約晴雲花乾宿露簾幕萬家清曉青帘賽酒  
小塢藏春冶葉艷枝相照羊駕小車笑逐遊人  
遠迷芳草更紅英飛舞繡茵連接霧臺烟沼  
年少日細馬戎韉紅靴玉帶同指軟塵西笑珍  
珠戲擲彩筆搜奇不覺暮春鶯老誰見這迴霜  
點染衰事縈懷抱訴一春心事燕子周遮來了

念奴嬌

贈希文  
寵姬

暮雲收盡霽霞明。高擁一輪寒玉簾影橫斜。房  
戶靜小立啼紅。蔌蔌素鯉頻傳蕉心微展。雙藥  
明紅燭。開門疑是故人敲。撼窗竹。長記那裏  
西樓小。寒窗靜。盡掩風箏鳴屋。淚眼燈光。情未  
盡。儘覺語長更促。短短霞杯溫溫羅帕。妙語書  
裙幅。五湖何日小舟同泛春綠。

情久長

鎖窗夜永無聊盡作傷心句甚近日帶紅移眼  
梨臉擇雨春心償未足怎忍聽啼血催歸杜宇  
算帆挂沉沉暝色袞袞長江流不盡來無據  
點檢風光歲月今如許趁此際浦花汀草一棹  
東去雲窻霧閣洞天曉同作烟霞伴侶算誰見  
梅簾醉夢柳陌晴遊應未許春知處

又

冰梁跨水沉沉霽色遮千里怎向我小舟孤楫



天外飄逐夜寒侵短髮睡不穩牕外寒風漸起  
歲華暮蟾光射雪碧瓦飄霜塵不動寒無際  
雞咽荒郊夢也無歸計擁繡枕斷魂殘魄清吟  
無味想伊睡起又念遠樓閣橫枝對倚待歸去  
西窗剪燭小閣凝香深翠幙饒春睡

滿江紅

晚浴新涼風蒲亂松梢見月庭陰盡暮蟬啼歇  
螢遶井闌簾入燕荷香蘭氣供搖箴賴晚來一

聖求詞

四

汲古唐

雨洗游塵無些熱  
心下事峰重疊人甚處星  
明滅想行雲應在鳳凰城  
闕曾約佳期同菊蕊  
當時共指燈花說據眼前何日是西風涼吹葉

又

笑語移時風影亂半簾寒日鮮明是晚來妝飾  
共說西園攜手處小橋深竹連苔色到如今梧  
葉染清霜封行跡  
春未透梅先折人縱健時  
難得想明年虛過上元寒食數著佳期愁入眼

雨珠零亂梨花溼任翠鬟欹側背斜陽鳴瑤瑟

又

燕拂危檣斜日外數峰凝碧正暗潮生渚暮風  
飄席初過南村沽酒市連空十頃菱花白想故  
人輕簾障遊絲聞遙笛魚與雁通消息心與  
夢空牽役到如今相見怎生休得斜把琵琶傳  
密意一襟新月橫空碧問甚時同作醉中仙煙  
霞客

聖求詞

五

汲古閣

又

次楊子耕韻

山遶吳城修竹外滿林團碧住孤檣百丈遠牽  
江色政簡民間無一事同遊仍是鴛鴦客到晚  
年遺愛續新題都堪說修門賦今誰續痛飲  
士天應惜正彩霞垂幙暮風飄瑟笑疾禪癡今  
在否風燈石火同飄忽去醉鄉深處著身心休  
銘櫛

醉蓬萊

任落梅鋪綴雁齒斜橋裙腰芳草閒伴遊絲過  
曉園庭沼廝近清明雨晴風軟稱少年尋討碧  
縷墻頭紅雲水面柳堤花島誰信而今怕愁  
憎酒對著花枝自疎歌笑鶯語丁寧問甚時重  
到夢筆題詩把綾封淚向鳳簫人道處處傷口  
年年遠口念惜春人老

齊天樂

觀競渡

香紅飄沒明春水寒食萬家遊舫整整斜斜疎

疎密密簾纈旗紅相望江波蕩漾稱彩艦龍舟  
繡衣霞漿舞楫爭先歌笑簫鼓亂清唱 重來  
劉郎老對故園桃紅春晚盡成惆悵淚雨難晴  
愁眉又結翻覆十年手掌如今怎向念舞板歌  
塵遠如天上斜日回舟醉魂空舞颺

沁園春

復把元宵等閒過了算來告誰整二年三歲樽  
前笑處知他啓了多少歌詩豈信如今不成些

事還是無聊空皺眉爭知道冤家悞我日許多  
時心兒轉更癡迷又疑道清明得共伊但自  
家晚夜多方遣免不須煩惱兩月爲期用破身  
心博些歡愛有后不成人便知從來是這風流  
伴侶有分雙飛

滿路花

同柳仲修  
在趙屯

西風秋日短小雨菊花寒斷雲低古木暗江天  
星娥尺五佳約悞當年小語憑肩處猶記西園

畫橋斜月闌干 鳥啼花落春信道誰傳尚容  
清夜夢小留連青樓何處寶鏡注嬋娟應念紅  
牋事微暈春山背窗愁枕孤眠

暮山溪

韻高格妙不數閒花草向晚小梳粧換一套新  
衣始了橫釵整髻倚醉唱清詞房戶靜酒盃深  
簾幙明殘照揚州一夢未盡還驚覺自恁在  
心頭拈不出何時是了吳霜點髻春色老劉郎



雲路遠晚溪橫誰見桃花笑

又

元宵燈火月淡遊人可攜手步長廊又說道傾  
心向我歸來一夢整整十年餘人似舊去無因  
牽惹情懷破章臺楊柳聞道無關鎖行客挽  
長條情不似當初些箇而今休也搖落任東風  
但恁意儘留情我也知無那

千秋歲

寶香盈袖約腕金條瘦裙兒細褶如眉皺笑多  
簪髻側語小綵箋奏洞房晚千金未直橫波溜  
緣短懽難又人去春如舊枝上月誰攜手宿  
雲迷遠夢淚枕中殘酒怎奈向繁陰亂葉梅如  
豆

早梅芳近

画簾深粧閣小曲徑明花草風聲約雨暝色啼  
鴉暮天杳染眉山對碧勾臉霞相照漸更衣對

客微坐自輕笑 醉紅明金葉倒恣看還新好  
瑩注粉淚滴爍波光射庭沼犀心通密語珠唱  
翻新調佳期定約秋了

醉落魄

明窻讀易時才人地俱超軼偶然一墮槐安國  
說利談功這事怎休得 何將置酒圖書室揮  
絃目送西飛翼夜來已覺春筍溢月影三人一  
醉舊相識

聖求詩

九

汲古閣

又

纖鞋窄襪紅茵自稱琵琶拍明衣妝臉春梳掠  
好好亭亭那得恁標格 忽忽一醉霜華白歸  
來偏記藍橋宅五更殘夢迷蝴蝶覩著花枝只  
被繡簾隔

惜分飛

元夕

白玉花驄金絡腦十里華燈相照簾映春窈窕  
霧香殘膩桃花笑 一串歌珠雲外裊飲罷玉

樓寒悄歸去城南道柳梢獵獵東風曉

浣溪沙

烟柳濛濛鵲做巢青青弱草帶斜橋鶯聲多在  
杏花梢逐伴不知春路遠見人時著小詞招  
阿誰有分伴吹簫

又

彩選散兒隔袖拈整釵微見玉纖纖夜寒窗外  
更垂簾好事燈花雙作蕊照人月影入斜簷

新愁日日座中添

又

做得因緣不久長  
驚風枝上偶成雙  
歸來魂夢帶幽香  
燈下揉花春去早  
竹間影月索歸忙  
十年前事費思量

漁家傲

作浮圖語送深上人遊廬山

聞道廬山橫廣澤  
晴空萬頃波濤白  
上有至人營窟宅  
經遊客古今多是烟霞謫  
一鉢上人

輕六翮選場要射如來策點化黃金非妙藥難  
堪酌三生一口都吞却

又

昨夜山空流石乳道人妙手親拈取未欲凌雲  
歸洞府清風舉大千一葉同掀舞笑把須彌  
搗破鼓東山雲作西山雨我欲住菴無拄斧君  
相許三更明月湖心午

又

潦倒瞿曇饒口情拈花冤道頭陀笑雞足山中  
眠未覺誰知道至今功業猶分割 脣口周遮  
何日了禪牀四面藤蘿遶有箇路頭君試討梅  
花老南園蝴蝶飛芳草

又

高紉袈裟挑紙帔一杯茶罷成行計路入廬山  
風細細輕彈指百千三昧俱遊戲 法椅何曾  
燒兩臂誰知紙上無窮意欲識普賢真實際胸



駒地小爐雪夜和衣睡

又

頂上鐵輪飛火焰防身細按威神劔體用雙行  
誰敢覘光閃閃何須更把茶林撼 衲子家風  
存古儉一條柳栗如天塹粥鼓未鳴燈火暗無  
恩念斷崖古木橫藤蕈

又

落月杜鵑啼未了粥魚忽報千山曉笠子蓋頭  
聖求詞

衣鉢少穿林表回頭高刹空中小  
官路舊多林木遶露濃花蕊皆顛倒  
渡水登山排草草廬山好香爐峰下湖波渺

思佳客

江上何人一笛橫倚樓吹得月華生  
寒風墮指傾三弄小市收燈欲二更  
持蟹股破霜橙玉人水調品簫箏  
細看桃李春時面笑盡玻璃酒一觥

又

微點胭脂暈淚痕更衣整髮立黃昏春風攪樹  
花如雨夕靄迷空燕趣門題往事錦回紋春  
心無定似行雲深屏繡幌空愁獨明月梨花殢  
一樽

好事近

別酒帶愁酸千里失羣黃鵠行到小橋梯下便  
飛雲南北不妨垂手小徘徊日影轉闌曲從  
皇求詞

汲古閣

此賀囊佳製有新奇題目

又

飛雪過江來船在赤欄橋側  
意報布帆無恙著  
兩行親札  
從今日日在南樓  
髮自此時白  
一  
詠一觴誰共負平生書冊

又

年少萬函書朱紫只應低拾更賴主人明眼作  
青雲梯級  
歸來應是印纍纍  
笳鼓鬧鄉邑若

訪老人生計販謝郎蓑笠

又

雲影護梅枝短短未禁飛雪彩幅自題新句作  
催粧佳闕西樓昨夜五更寒恐一枝先發元  
是素娥無寐駕半輪明月

又

小飲破清寒坐久困花顏玉兩行艷衣明粉聽  
阿誰拘束麗華百媚坐來生仙韻動羣目一

聖求詞

曲鳳簫同去倦人間絲竹

天仙子

代人送希文

樓下鞦韆橫露井樓上嬋娟開曉鏡下樓難忘  
上樓時風未定帆不正軟軟珍珠揮塵柄眉  
上新愁吹不醒別酒未斟歌未忍雪中梅下定  
重來烟暝暝腸寸寸莫放笛聲吹落盡

燕歸梁

樓外東風杜宇聲雙枕細眉顰女郎番馬小山

屏金籠冷夢魂驚  
起來重綰雙羅髻無個事  
淚盈盈楊花蝴蝶亂分身飛不定暮雲晴

小重山

七夕  
病中

半夜燈殘鼠上檠上窻風動竹月微明夢魂偏  
記水西亭琅玕碧花影弄蜻蜓千里暮雲平  
南樓催上燭晚來晴酒闌人散斗西傾天如水  
團扇撲流螢

河傳

斜紅照水似晴空萬里明霞相倚逐伴笑歌小  
立綠槐陰裏銷沒些春氣味紛紛覩著閒桃  
李淺淺深深不滿遊人意幽艷一枝向晚重簾  
深閉是青君愛惜底

清平樂

上元趙仲能窓

水餅石硯敗壁蝸書篆窓下日舒縫衲線屋角  
晚風飛霰上元燈火佳時長廊語笑追隨高  
臥一番紙帔覺來月貫南枝



握金釵

風日困花枝晴蜂自相趁晚來紅淺香盡整頓  
腰肢暈殘粉絃上語夢中人天外信 青杏已  
成雙新樽薦櫻筍爲誰一和銷損數著佳期又  
不穩春去也怎當他清晝永

又

向晚小粧勻明窻倦裁剪見花清淚遮眼開盡  
繁桃又春晚心下事比年時都較懶 胡蝶入

聖求詞

簾飛郎聲似鶯囀見來無計拘管心似芭蕉乍  
舒展歸去也夕陽斜紅滿院

南歌子

策杖穿荒圃登臨笑晚風無窮秋色蔽晴空遙  
見夕陽江上捲飛蓬雁過菰蒲遠山遙夢寐  
通一林楓葉墮愁紅歸去暮煙深處聽疎鍾

又

遠色連朱閣寒鴉噪夕陽小爐溫手酌鵝黃掩

亂一枝清影在寒牕  
念遠歌聲小  
嗔歸淚眼  
長纖腰  
今屬冶遊郎  
朝暮楚宮雲  
雨恨忙忙

蝶戀花

風洗遊絲花皺影  
碧草初齊  
舞鶴閒相趣  
短夢乍回慵理鬢  
驚心忽數清明近  
逐伴強除眉上恨  
趁蝶西園  
不覺鞋兒褪  
醉笑眼波橫一寸  
微微酒色生紅暈

又

花色撩人紅入眼可是東君要得人腸斷欲訴  
深情春不管風枝雨葉空撩亂 謾插一枝飛  
一釵小賞幽期破我平生願珍約未成春又短  
但憑蝴蝶傳深怨

品令

繡衣未整傍窻格臨清鏡新霜薄霧這下幾日  
陰晴不定欲插黃花心事又還記省 去年香  
徑共粉蝶閒相趁寶香玉珮暗解付與多情荀

令何日西樓重見暮帆烟艇

祝英臺

寶蟾明朱閣靜新燕近簾語還記元宵燈火小  
橋路逢迎春筍柔微凌波纖穩諂不顧斗斜三  
鼓甚無據誰信一霎是春鶯聲留不住柳色  
苔痕風雨暗花圃細看羅帶銀鈎綃巾香淚算  
不枉那時分付

水調歌頭

十月初十日同周元發謁姚氏  
昆季多不遇因與說道小飲出

其見進道作水調歌頭一首與二十首  
讀之殆不勝情矣其韻作一篇懷其人  
亦以贈元發說道

扁舟思獨往  
橋影劃晴煙  
要伴人隨  
明月踏破  
水中天  
誰信騎鯨高逝  
空對筆端  
風雨如汎楚  
江船  
老子窮無賴  
端欲把降竿  
白蘋汀歸老  
計似高閒  
平生愛我一言相置  
二劉間準擬何  
山松桂折足  
鐺能安穩  
芋火對闌殘  
何必少林  
語立雪問心安

又

明目純中以酒見賦約師見過  
徘徊江上久不至復次其韻

江湖堪極目非霧亦非烟故人相見縱橫高義  
薄雲天已具萸樽茗話悵望雲中江樹不見子  
猷船日色隱林表十里認帆竿百年間無個  
事且安閒功名兩字茫然都懂有無間且盡身  
前一醉休問古來今往及取菊花殘仙事占無  
據竹帛笑劉安

又

壬寅九月謁季修題其書室壁  
曰秋齋夢謁復以進道韻續之

秋齋多夢謁舌本欲生烟獨步一庭明月雁字  
已橫天作個生涯不遂松竹臨荒三徑却憶五  
湖船小阮貧尤甚犢鼻挂長竿白鷗汀風共  
水一生閒橫琴唳鶴要攜妻子老雲間燈火熒  
熒深夜高臥南窗折几杯到不留殘莫遣江湖  
手遮日向長安

又

壬寅十月二十四日飲少酒徑醉擁  
案而寢中夜酒醒次其韻作一篇

心肝皆錦繡落筆盡雲烟詩狂酒興要騎赤鯉



上青天織女回車相勞指點虛無征路翻動月  
明船舉手謝同輩豈復念漁竿我平生心正  
似白雲閒衣冠污我偶逢遊戲到人間常念孤  
雲高妙若作轆轤俯仰誰復食君殘拜塵金谷  
輩都是臥崇安

又

哭進道飛橋自古雙溪合榿柳  
如今夾岸垂么金店別業詩

詩人翻水盡寂寞五侯烟醉魂何在應騎箕尾  
列青天記得平生談笑夾岸手栽楊柳同泛夜

聖求詞

二十

汲古閣

深船溪水還依舊深淺半青竿  
小神仙殷七七許閑閑黃梁未熟經遊都在夢魂間我厭羈  
塵濁味幾欲凌雲羽化雞犬不留殘俗事丹砂  
冷且抱一枝安

又陳性齋不相見十年矣今在雲間欲  
携被訪之大病遂已次其韻而寄之

暮雲遮遠眼疊疊入青烟十年不見醯雞同舞  
瓮中天聞道山陰回棹相去都無百里李郭可  
同船行止皆天意端欲自操竿功名事須早

計真安閒高才妙手不當留意市塵間俄已山  
林長往塵面時時拂鏡齒髮甚衰殘廊廟非吾  
事茅屋且安安

又

與小  
飲

撫牀多感槩白髮困風烟出門有礙更堪寒暮  
雪飛天君棄一盃一衲奔走五湖清海杯度不  
乘船來訪山中友□□□□竿看人間誰得  
似謫僊閒生涯不問留情多在酒杯間剪燭西

風談笑零落一樽相對不覺已更殘回首功名  
事牋記謝任安

又

送季修同  
希文去秀

十年禪榻畔風雨颺茶烟跳丸日月未甘白髮  
困堯天江左風流才子要伴江湖張翰同泛洛  
陽船酌酒情無盡海燕遶船竿逼人來功業  
事不教閒男兒三十定當談笑在堂間老子婆  
婆貧態閉戶長鬚赤脚他日要分殘禹浪桃花

影歸棹正輕安

何山道人水調歌頭二十首一韻余和之計  
前後凡八首道人之語如謝康樂詩出水芙  
蓉自然可愛余誠不足以繼其後嗚呼道人  
死矣僊耶人耶皆不知俟如其數焚香燒以  
與之魂如有靈當淩雲一笑

江城子

曉參垂戶宿酲醒坐南亭對疎星點點螢光偏

向竹梢明望斷長空何處是雲葉亂彩霞橫  
西樓依舊抱重城小銀屏此時情鴉陣翻叢枯  
柳兩三聲欹枕欲尋初夜夢雞唱遠曉蟾傾

又

聞君見影已堪憐短因緣偶同筵相見無言分  
散倍依然做夢楊花隨去也粧閣畔繡牀前  
覺來離緒意綿綿寫蠻牋倩誰傳魚雁悠悠門  
外水如天欲上西樓還不忍難著眼望秋千

水龍吟

寄竹西

五湖春水茫茫夢魂夜逐楊花去汀花岸草佳人微笑眼波橫注借問劉郎心期則甚一成無據自春來淚滿揆藍袖口沒整頓心情處聞道相如病渴念文君白頭新句相思兩地光窮烟水一庭花霧錦字藏頭織成機上一時分付問他年更有微雲淡月重來兮未

減字木蘭花

雨簾高捲芳樹陰陰連別館涼氣侵樓蕉葉荷  
枝各自秋前溪夜舞化作驚鴻留不住愁損  
腰肢一桁香銷舊舞衣

又

明眸巧笑坐久更宜燈燭照小醉辭歸懷抱明  
明只自知瑣窗重見桃李春風三月面怎不  
思量折柳孤吟斷殺腸

江城子慢



新枝媚斜日花徑霽晚碧泛紅滴近寒食蜂蝶  
亂點檢一城春色倦遊客門外昏鴉啼夢破春  
心似遊絲飛遠碧燕子又語斜簷行雲自沒消  
息當時烏絲夜語約桃花時候同醉瑤瑟甚  
端的看看是榆角楊花飛擲怎忘得斜倚紅樓  
回淚眼天如水沉沉連翠壁想伊不整啼粧影  
簾側

如夢令

百和寶釵香珮短短同心霞帶清鏡照新粧巧  
画一雙眉黛多態多態偷覷榴花窻外

極相思

拂墻花影飄紅微月辨簾櫳香風滿袖金蓮印  
步狹徑迎逢笑靨乍開還斂翠正花時却恁  
西東別房初睡斜門未鎖且更從容

又

西園鬪草歸遲隔葉嚀黃鸝闌干醉倚秋千背

立數遍佳期 寒食清明都過了 迳如今芍藥  
薔薇袂衣吟露歸舟纜月方解開眉

賀新郎

別竹西

斜日封殘雪記別時檀槽按舞霓裳初徹唱煞  
陽關留不住桃花面皮似熱漸點點珍珠承睫  
門外潮平風席正指佳期共約花同折情未忍  
帶雙結釵金未斷腸先結下扁舟更有暮山  
千疊別後武陵無好夢春山子規更切但孤坐

聖求詞

汲古閣

一簾明月蠶芙蓉  
蘭花同蒂甚人生  
要見底多離  
別誰念我淚如血

浪淘沙

倚枕數更籌  
清夜悠悠  
竹風荷露小窗秋  
往事迷人渾不省  
總是離愁  
無賴是橫眸  
濟楚風流  
一時樓攬著  
心頭調數夢  
魂將我去  
明月重樓

思佳客

深夜槐風折 惺露荷涼氣滿西亭凭欄小語  
花梢月緩步偷拈石上螢 秋意早暑衣輕殢  
人索酒復同傾大家沉醉還高枕一任西樓報  
五更

二郎神

西池舊約燕語柳梢桃萼向紫陌秋千影下同  
綰雙雙鳳索過了鶯花休則問風共月一時閒  
却知誰去喚秋陰滿眼敗紅葉 飄泊江湖載

酒十年行樂甚近日傷高念遠不覺風前淚落  
橘熟橙黃堪一醉斷未負晚涼池閣只愁被撩  
撥春心煩惱怎生安著

百宜嬌

隙月垂筵亂蛩催織秋晚嫩涼房戶燕拂簾旌  
鼠窺窻網寂寂飛螢來去金鋪鎮掩謾記得花  
時南浦約重陽萸糝菊英小樓遙夜歌舞銀  
燭暗佳期細數簾幙漸西風午窻秋雨葉底翻

紅水面皺碧燈火裁縫砧杵登高望極正霧鎖  
官槐歸路定須相將寶馬鈿車訪吹簫侶

醉思僊

斷人腸正西樓獨上愁倚斜陽稱鴛鴦鵝鵝兩  
兩池塘春又老人何處怎慣不思量到如今瘦  
損我又還無計禁當 小院呼盧夜當時醉倒  
殘缸被天風吹散鳳翼難雙南窓雨西樓月尚  
未散拂天香聽鶯聲悄記得那時舞板歌梁

眼兒媚

曉釵催鬢詰南風碧澗小橋通榆陰短短露光  
烟烟滿地花紅天涯不見歸帆影蜂蝶儘西  
東宿酲漸解殘粧猶在曉日簾櫳

又

循檻琅玕粉沾衣一片子規啼蓬壺夢短蜀禽  
香遠愁損腰肢石城堂上雙雙燕應傍暮愁  
飛春江艇子雪中梅下知與誰期



夢玉人引

上危梯盡盡畫閣迴畫簾垂山水飄香小園鶯  
喚春歸舞袖弓彎正滿城烟草淒迷結伴踏青  
趁蝴蝶一雙飛賞心歡計從別後無意到西  
池自檢羅囊要尋紅葉留詩嬾約無憑鶯花都  
不知怕人問強開懷細酌一醺醺

傾盃令

楓葉飄紅蓮房肥露枕席嫩涼先到簾外蟾華

如掃枝生啼鴉催曉 秋風又送潘郎老小窗  
明疎螢淺照登高送遠惆悵白髮至今未了

又

隔座藏鈎分曹覆射燭艷漸催三鼓箏按教坊  
新譜樓外月上春浦 徘徊爭忍忙歸去怕明  
朝無情風雨珍花美酒團坐且作尊前笑侶

生查子

攤錢臨小窗撲蝶穿斜徑醉戲晚風前吹亂連

枝影 別來秋夜長夢到金屏近腸斷一聲雞  
殘月懸朝鏡

又

裙長步漸遲扇薄羞難掩鞋襪倚郎肩問路眉  
先斂 踏青南陌回倚醉開嬌靨今夜更同行  
忍笑勾粧臉

又

雙鬟綠髮齊多笑鵝紅落穿竹過西齋問字時

聖求詞

二十九

汲古閣

偷學嬌慵不慣羞同倚闌干角屈指數元宵  
燈火堪行樂

撲蝴蝶近

分釵綰髻洞府難分手離觴短闌啼痕冰舞袖  
馬嘶霜滑橋橫路轉人依古柳曉色漸分星斗  
怎分剖心兒一似傾入離愁萬千斗垂鞭佇立  
傷心還病酒十年夢裏嬋娟二月花中豈惹春風  
爲誰依舊

又

風荷露竹秋意侵疎鬢微燈曲几有簾通桂影  
乍涼衣著輕明微醉歌聲審聽穩新愁殢人方  
寸怎不悶當初欲憑燕翼西飛寄歸信小窗  
睡起梁間都去盡夜長旅枕先知秋杪黃花漸  
近一成為伊銷損

一落索

蟬帶殘聲移別樹晚涼房戶秋風有意染黃花

聖求詞

三十

汲古閣

下幾點淒涼雨  
渺渺雙鴻飛去亂雲深處一  
山紅藥爲誰愁供不盡相思句

又

宮錦裁書寄遠意長辭短香蘭泣露雨催蓮暑  
氣昏池館  
向晚小園行遍石榴紅滿花花藥  
藥盡成雙渾似我梁間燕

又

鳥散餘花飛舞滿地風雨長江衮衮接天流夜

送征帆去 今夜行雲何處斷腸南浦殘燈不  
剪五更寒獨自與餘香語

謁金門

甲子年同寅  
伯題于壁

人已老春亦不留些少花盡葉長蠶又把子規  
啼未了 往事不論多少且向樽前一笑白髮  
滿頭愁已到路長波渺渺

鼓笛慢

拍肩笑別洪崖共看紫海還清淺蓬壺舊約人

聖求詞

閒舒笑桃紅千遍去歲爭春今年逼臘滿空飄  
霞漸橫枝照水清絲弄日都點綴江南岸須  
吸百川爲壽捲恩波已傾銀漢戎袍擁戟萬釘  
圍帶天孫新眷十里麝香五更弦月未收絃管  
正繁箏續譜宮簫定拍候來冬按

西江月慢

春風淡淡清晝永落英千尺桃杏散平郊晴蜂  
來往妙香飄擲傍画橋煮酒青帘綠楊風外敲



聲長笛記去年紫陌朱門花下舊相識 向寶  
帕裁書憑燕翼望翠閣烟林似織聞道春衣猶  
未整過禁烟寒食但記取角枕情題東窗休悞  
這些端的更莫待青子綠陰春事寂

思佳客

竹西從人去數年矣今得  
歸偶以此煩全美退之

曾醉揚州十里樓竹西歌吹至今愁燕銜柳絮  
春心遠魚入晴江水自流 情渺渺夢悠悠重  
尋羅帶認銀鈎挂帆欲伴漁人去只恐桃花悞

客舟

又

全美久不通偶伯禧去  
間錄前所賦復作一首

薄薄山雲欲溼花  
雙雙燕子入簾斜  
西樓尚記垂垂雪  
酌酒猶殘片片霞  
人已遠  
髮成華  
小樓疎竹宅  
誰家試憑去  
雁通消息  
僊子當乘八月槎

夜遊宮

生日代人  
獻江宰

簾外繁霜未掃  
樓角動玉繩橫曉  
百和交焚瑞

烟遶霽霞明  
画屏深天渺渺  
喜色連池沼  
薦眉壽玉兒嬌  
小早晚除書下  
天表日初長  
莫等閒孤一笑

浣溪沙

風掃長林雪壓枝  
紛紛凍鵲傍簾飛  
一樽聊作破寒威  
春意正愁梅漏泄  
客情尤怕病禁持  
曲闌干外日初遲

南歌子

片片雲藏雨重重霧隱山可憐新月似眉彎今  
夜斷腸凝望小樓寒夢斷雲房遠書長蠟炬  
殘夜粧應罷短屏閒都把一春心事付梅酸

如夢令

珠閣雨簾高捲望斷碧梧墻院短夢有幽尋曉  
枕一峰雲亂誰見誰見風散菊英千片

浣溪沙

微綻櫻桃一顆紅斷腸聲裏唱玲瓏輕羅小扇

掩酥胸 惹鬢蛛絲新有喜窺窗月彩舊相從  
清宵一醉許誰同

浪淘沙

涼露洗秋空菊徑鳴蛩水晶簾外月玲瓏燭蕊  
雙懸似玉軟軟啼紅 宋玉在墻東醉袖搖風  
心隨月影入簾櫳戲著錦茵天樣遠一段愁濃

醉桃源

檀香新染研紅綾腰肢瘦不勝合歡小幌掩餘

醒芙蓉入夢頻  
山不盡水無情  
錦河隔錦茵  
劉郎僂骨未應輕  
桃花已悞人

思佳客

夢裏相逢不記時  
斷腸多在杏花西  
做開笑語  
兜鞋急遠有燈光  
掠鬢遲  
辭永夜失深期  
一枝黃菊對傷悲  
夜涼窗外聞裁剪  
應熨沉香製舞衣

小重山

雨洗簷花溼画簾知他因甚地瘦厭厭玉人風  
味似冰蟾愁不見烟霧曉來添煩惱舊時諳  
新來一段事未心甘滿懷離緒過春蠶燈殘也  
誰見我眉尖

柳梢青

遠簾籠月誰見南陌子規啼血萸糝菊英整冠  
落帽一時虛說五湖自有深期曾指定燈花  
細說燕子巢空秋鴻程遠音書中絕

卜算子

雲破月高懸照我雙雙淚  
人在朱橋轉曲西翠  
幕重重閉 要見索商量  
見了還無計心似長  
檠一點燈到曉清清地

又

眉爲占愁多鎮日長長斂  
試問心中有底愁淚  
早千千點 莫唱短因緣  
緣短猶傷感誰信蕭  
郎是路人常有深深念



又

一日抵三秋半月如千歲自夏經秋到雪飛一  
向都無計續續說相思不盡無窮意若寫幽  
懷一段愁應用天爲紙

又

得酒解愁煩多病還疎酒本是多情失意人此  
味如何受沉醉且高歌不飲心常有守著殘  
燈鬪著眉怎不腰肢瘦

如夢令

多謝西池桃李伴我一春沉醉能有幾多香陪  
了一江來淚憔悴憔悴又是落花鋪地

木蘭花慢

石榴花謝了正荷葉蓋平地試瑪瑙杯深琅玕  
簾冷臨水簾帷知他故人甚處晚霞明斷浦柳  
枝垂唯有松風水月向人長似當時 依依望  
斷水窮雲起處是天涯奈燕子樓高江南夢斷

虛費相思新愁暗生舊恨更流螢弄月入紗衣  
除却幽花軟草此情未許人知

又重午

對修篁萬個更疎雨洗琅玕望燕外晴絲鷗邊  
水葉胡蝶成團榴紅勸人把酒汎菖蒲對客不  
成懽金縷新番彩索始知今歲衣寬年年此  
日青樓花缺處倚闌干記小扇清歌蠻牋妙墨  
不覺更殘可憐舊遊似夢向人人未減一枝蘭

詞五言 三十七  
縱有千金莫惜大家沉醉花間

又七夕

桂鄉雲萬縷更飛雨洗香車念密曾經年銀潢  
浪阻玉露期賒靈星瑞橋對展散忽忽喜色滿  
天涯回首丁寧曉角未宜吹動梅花 家家競  
賞彩茸穿桂影醉流霞漸舞袖翻鸞歌聲綴鳳  
釵影交加入間共饒宴樂算天孫怎忍遣河斜  
莫惜西樓剪燭大家同到啼鴉

戀香衾

記得花陰同攜手指定日許我同歡喚做真成  
熱心安打疊從來不成器待做個平地神仙又  
却不成些事驀地心殘據我如今沒投奔見  
著你淚早偷彈對月臨風一味埋冤笑則人前  
不妨笑行笑裏斗覺心煩怎分得煩惱兩處勾  
攤

豆葉黃

三十八  
菱荷香外一聲蟬。風撼琅玕驚晝眠。刻燭題詩  
花滿牋。小神僊對倚闌干。月正圓。

又

晚粧新試碧衫涼。金鴨猶殘昨夜香。柳際風來  
月滿廊。一雙雙。人對鴛鴦浴小塘。

又

輕羅團扇掩微羞。酒滿玻璃花滿頭。小板齊聲  
唱石州。月如鉤。一寸橫波入鬢流。

又

林花著雨褪胭脂。葉底雙桃結子遲。對鏡憑郎略皺眉。笑微微。燕子羞人必懶歸。

又

玉簫風外一聲清。粉面嬋娟月對明。紫府樓臺夜不扃。羽衣輕穩。駕雙鸞。謁帝庭。

千秋歲

寶蟾懸鏡露顆傾。荷柄飛螢點點明。花徑凝愁

情不展宿酒風還醒天似曉銀河半落星相趁  
心事都無定才致元相稱春過了秋將近小  
窗通竹浦野色連金井得仗個多情燕子分明  
問

### 好事近

心事已成空春盡百花零落誰見黃鸝百轉索  
東君評泊曉來枝上語綿蠻應悔向來錯看  
則綠陰青子却恹惶無託



南鄉子

小雨阻行舟。人在烟林古渡頭。欲挈一樽相就  
醉無由。誰見橫波入鬢流。百計不遲留。明月  
他時獨上樓。水盡又山山。又水溫柔占斷江南  
萬斛愁。

又

樊子喚春歸。夢逐楊花滿院飛。吹過西家人不  
見。依依萍點荷錢。又滿池。屈指數佳期。何日

憑肩對展眉傾盡十分應不醉遲遲何惜櫻桃  
杏子時

浪淘沙

纖指捧玻璃莫惜重持自離閨苑失回期門掩  
東風桃著子簾影遲遲樓上正橫篴荷氣沾  
衣誰將名玉碾花枝不比尋常紅與紫取次芳  
菲

卜算子

余每爲歌詩使李蓮歌之卽解人  
深意自去年七月親往華亭口口

矣余爲之輟筆昨夜酒醒臥  
不能穩試作卜算子以寄之

渡口看潮生水滿蒹葭浦長記扁舟載月明深  
入紅雲去荷盡覆平池忘了歸來路誰信南  
樓百尺高不見如蓮步

### 小重山

雲護柔條雪壓枝斜風吹絳蠟點胭脂薔薇柔  
水麝分臍園林晚脉脉帶斜暉深閣繡簾低  
寶奩勾淚粉晚粧遲一枝屏外對依依清宵永

誰伴破寒卮

惜分釵

春將半鶯聲亂柳絲拂馬花迎面小堂風暮樓  
鍾草色連雲暝色連空重重秋千畔何人見  
寶釵斜照春粧淺酒霞紅與誰同試問別來近  
日情悰忡忡

又

重簾挂微燈下背蘭同說春風話月盈樓淚盈

眸覩著紅裯無計遲留休休  
鶯花謝春殘也  
等閒泣損香羅帕見無由恨難收夢短屏深清  
夜悠悠悠悠

如夢令

花趁清明爭展白白紅紅滿院莫怪淚痕多愛  
底不能得見凝戀凝戀門外雨飛簾捲

水龍吟

年年九月西湖繡船繼日笙簫擁五雲深處紅

簾一桁語鶯歌鳳翠玉峰頭影娥池畔烟霞飛  
動認蓬瀛仙子雲程路遠貪人世瑤池夢要  
看黃塵清海戲真珠麻姑清縱曲門自有菊金  
芳砌月篋浮棟子著宮桃舞翻官柳霞杯纖捧  
待明年更把西風妙曲按成新弄

鵲橋仙

西風不落薄衾孤枕記起花時些個宿愁新恨  
兩關心說道理分疎不可別愁如絮佳期何

在古屋蕭蕭燈火打窗風雨又何消夢未就依  
前驚破

點絳脣

聖節鼓子詞

扇列紅鸞赭黃日色明金殿御香惹茜寶仗香  
風暖咫尺天顏九奏朝陽筦羣臣宴醉霞凝  
面午漏傳宮箭

又

俊眼犀心尊前如有乘鸞便過愁傳怨只許燈

長司

及古習

光見 見了重休河漢明遮斷深深院亂風飄  
霰揉了雙羅燕

水調歌頭

解衣同一笑聊復起廚烟醉鄉何處與君舒嘯  
入壺天長怪時情狹隘杯酒豈容我輩不上謫  
仙船雅志念湖海小艇一絲竿 夜迢迢燈燭  
下幾心閒平生得處不在內外及中間點檢春  
風歡計惟有詩情宛轉餘事盡疎殘彩筆題桐



葉佳句問平安

好事近

世事莫牽縈樂取這閒時節且恁醉來醒去免  
光陰虛設有則有個潑心兒不放被利名啜  
却待兩手分付與風花雪月

又

長記十年前彼此玉顏雲髮尊酒幾番相對樂  
春花秋月而今各自困飄零憔悴幾年別說

聖求詞

四十四

汲古閣

著大家煩惱且大家休說

青玉案

一尊聊對西風醉況九日明朝是曾與茱萸論  
子細江天虛曠暮林橫遠人隔銀河水碧雲  
漸展天無際吹不斷黃昏淚若作懽期須早計  
如何得似鬢邊新菊雙結黃金蕊

呂聖求名渭老或云濱老樵李人有轂宣  
和間其詠梅詞寄調東風第一枝先輩與

坡仙西江月並稱茲集中不載不知何故  
其詞云老樹渾苔橫枝未葉青春肯誤芳  
約背陰未返冰魂陽梢已含紅萼佳人寒  
怯誰驚起曉來梳掠是月斜窗外棲禽霜  
冷竹間幽鶴○雲澹、粉痕漸薄風細、  
凍香又落叩門喜伴金樽倚闌怕聽画角  
依稀夢裡半面淺窺珠箔甚時重寫鸞牋  
去訪舊遊東閣又惜分釵其自製新譜也

尾句用二疊字云重重又云忡忡較之陸  
放翁釵頭鳳尾句云錯錯錯莫莫更有  
別韻又喜用險峭字如側寒斜雨之類楊  
升菴云其用側寒字甚新唐詩春寒側  
掩重門韓偓詩側々輕寒剪々風又無名  
氏詞玉樓十二春寒側與此側寒相襲用  
之不知所出大意側不正也猶云峭寒尔  
今坊本俱作惻寒幾認壹关為壺矢矣古

虞毛晉識

聖求詞終